

生焉由此觀之魚豈可脫於淵國之利器豈可以示人魚脫於淵必制於人國之利器示人必奪於人皆非善刀而藏之者也

林東曰魚脫於淵而處陸則死人不可以捨福而趨禍國之利器以示人則謀動干戈而有傷乎物則亦取禍之道

道常無爲章第三十七

道常無爲而無不爲侯王若能守萬物將自化

碧虛子陳景元曰夫道之常也湛寂不動故曰無爲應物而動物皆自用故曰無不爲夫侯王若能常以虛爲心亦以無爲身持守而不撓者故萬物將自從其化也經曰我無爲而

道藏輯要

道德真經
彭鶴林集註

聖
心集七
川卷八

民自化

黃茂材曰道惟無爲故能無不爲若其有爲則其爲也小矣侯王守此可以使萬物化萬物之化非道孰能然今云將自化者生而不有爲而不恃衣被萬物而不爲主也歟

化而欲作吾將鎮以無名之樸

穎濱蘇轍曰聖人以無爲化萬物萬物化之始於無爲而漸至於作譬如嬰兒之長人僞日起故三代之衰人情之變日以益甚方其欲作而上之人與天下皆靡故其變至有不可勝言者苟其方作而不爲之動終以無名之樸鎮之庶幾可得而止也

道真仁靜先生曹道沖曰既化而泰民性過於泰則動作流蕩復以無名之樸鎮靜之民不可得而名狀之矣故定達真子曰化而欲作道之散也無名之樸道之聚也以樸則無名固知化者有名也以化而欲作固知樸者不作也由是知鎮以無名之樸者使有名復歸於無名有作復歸於無作蓋以反本之謂也

清源子劉驥曰性靜謂之神神靜則萬化安心動謂之情情動則萬化亡非陰陽賊之心則使之也故吾將鎮以無名之樸天真之性道之大原不可得而名故以樸爲喻鎮以無名之樸者必靜必清守性之真惟寂惟冥體道之原居杳冥之內在恍惚之中離形去智不識不知物我兼忘與道爲一無名之樸亦將不欲不欲以靜天下將自正

道藏輯要

道德真經
彭鶴林集註

聖

心集七

御註曰易曰乾道變化各正性命乾道變化則無爲也各正性命則不欲以靜天下將自正也以道治天下至於各正性命此之謂治之至

穎濱蘇轍曰聖人中無抱樸之念外無抱樸之迹故樸全而用大苟欲樸之心尚存於胸中則失之遠矣

葉夢得曰靜者盡性而至命者也夫然天下不期而自正矣莊周曰正正者不失其性命之情其知靜哉

清源子劉驥曰莊子所謂抱神以靜形將自正經所謂我好

靜而民自正皆此之謂也

黃茂材曰樸雖無名若存諸念則是未能無欲也古之至人非特於物也無欲其於道也亦無所欲淡然自守清靜無爲天下各自正其性命而已吾何欲焉

上德不德章第二十八

上德不德是以有德下德不失德是以無德上德無爲而無以爲下德爲之而有以爲

御註曰孔子不居其聖而爲聖之時乃所以有德認而有之自私以失道何德之有不思而得不勉而中不行而至上德也不思則不得不勉則不中不行則不至下德也德有上下

道藏輯要

道德真經
彭鶴林集註

器

心集七
ノ口廿

此聖賢之所以分歟離形去智通於大同仁義禮智蓋將簡之而弗得故無以爲屈折禮樂吁俞仁義以慰天下之心得人之得而不自得其得故有以爲

碧虛子陳景元曰夫德者得也內得於心外得於物常得而無喪利而不害物得以生謂之德也且道有淺深故德有上下所謂上德者至德也至德者深矣遠矣與物反矣人不見其迹則謂之不德以其含光匿耀支離所爲使百姓日用而不知咸曰我之自然而已矣所謂德全者也故曰是以有德谷神子曰上德不德與道同也下德者迹用漸彰至一澆散因循任物物保其安天下稱之歸美於己雖其德不喪已遠